

博野縣志卷二

政事

發政莫先於施仁制事莫善於行義頒自

朝廷訖乎草野苟非實力宣化鮮不視作空文有其
舉之民霑實惠是在循吏之承流布德矣

明洪武九年詔民八九十以上賜爵里士社士成化
二十三年詔民八十以上賜冠帶給絹帛高興妻
郭氏一百一十歲給米肉花絨宏治十八年詔民
八十以上爲鄉里所敬服者冠帶榮身有程委社

十里縣志 卷二
劉通楊村社姚誌東楊社蕭瓘城東社齊景雲北
顏社王祥皆預鄉飲賓席崇禎十六年有程六市
陳國度預鄉飲賓席冠帶榮身

正德元年詔免馬厰租銀二十兩嘉靖元年免租稅
之半二年蠲免夏稅五分七年蟲災免秋糧三分
八年蝗災免夏稅三分十三年免稅糧之半

天順八年放穀四千四百石成化十四年放穀三千
二百石二十三年放穀七千二百石宏治四年放
穀二千五百石十三年放京庫銀二千三百七十

兩嘉靖五年放穀壹千六百五十石十六年饑民
壹萬二千二百口放穀壹千二百石銀七百兩崇
禎十三年放穀三千六百石

國朝順治十一年賑銀六百二十三兩八錢五分七
十以上外賑白布一疋共賑布四百三十疋十五
年賑銀二百七十九兩三錢七分

康熙七年賑米二百四十石零六斗續賑米九百六
十七石五斗十八年賑米七百餘石又每丁賑銀
三錢七分二十七年行恤老之政凡年八十以上

者賜粟帛七十以上者免壹丁令其侍養二十九
年發帑銀五萬賑濟饑民又

命大臣勘災將各處積穀按戶支給均霑實惠

康熙六年蠲免八分水災銀壹千五百六十九兩七
錢六分七年蠲免十分水災銀四千三百三十三
兩二錢四分八年蠲免水災十分之四銀壹千壹
百二十三兩五錢九年蠲免六分旱災銀五百二
十五兩八錢二分二十四年爲畿內民地被占赦
錢糧三分之壹二十五年又爲畿內偏苦赦民欠

錢糧又將來年錢糧盡行蠲免三十二年十二月
赦民欠錢糧並將來年錢糧盡行蠲免

雍正三年六月大水蠲免錢糧十分之三賑濟四箇
月放米大口九合小口六合五年楊村小王等村
被水蠲免錢糧十分之二賑濟饑民大口四百九
十文小口二百九十文十一年七月被水蠲免錢
糧十分之二共銀三百四十八兩四錢壹分

乾隆元年賞給七十以上老婦壹千四百四十口每
口布一疋折銀三錢五分米五斗折銀三錢八十

以上老婦四百二十九口每口絹一疋折銀七錢
米一石折銀六錢九十以上老婦三十三口每口
絹二疋折銀壹兩四錢米二石折銀壹兩二錢共
賞物價銀壹千五百七十九兩五錢

乾隆二年蠲免錢糧六千八百八十九兩壹錢零又
因秋災蠲免錢糧十分之四共銀八百六十壹兩
二錢零先賑壹個月大口給穀三斗小口壹斗五
升共賑穀三百四十石八斗續賑三個月大口給
米壹斗五升小口七升五合共賑米五千七百七

十六石

乾隆三年賞給八十以上老人三百壹十三名每名
絹壹疋折銀七錢棉壹斤折銀四分米壹石折銀
六錢肉十斤折銀三錢九十以上老人十六名每
名絹二疋折銀壹兩四錢棉二斤折銀八分米二
石折銀壹兩二錢肉二十斤折銀六錢共賞物價
銀五百八兩四錢七十以上者免壹丁令其侍養
乾隆三年秋被水蠲免錢糧十分之六共銀三千九
百五十六兩一錢

乾隆四年蠲免錢糧共銀九千九十一兩二錢

乾隆十一年蠲免錢糧共銀二萬五千四百七十九

兩壹錢

乾隆十三年賞給八十以上老婦五百八十八口每
口絹壹疋折銀七錢米壹石折銀六錢九十以上
老婦六十六口每口絹二疋折銀壹兩四錢米二
石折銀壹兩二錢共賞物價銀九百三十六兩

乾隆十五年賞給八十以上老婦五百六十五口每
口絹一疋折銀七錢米一石折銀六錢九十以上

老婦六十一口每口絹二疋折銀壹兩四錢米二石折銀壹兩二錢共賞物價銀八百九十三兩壹錢

乾隆十五年秋堤頭等村被水蠲免錢糧十分之一共銀四百四十六兩六錢

乾隆二十六年賞給八十以上老人壹百四十六名每名絹壹疋折銀七錢棉壹斤折銀四分米壹石折銀六錢肉十斤折銀三錢九十以上老人十名每名絹二疋折銀壹兩四錢棉二斤折銀八分米

博野縣志
卷二
二石折銀壹兩二錢肉二十斤折銀六錢共賞物
價銀二百七十二兩二錢零七十以上者免壹丁
令其侍養

乾隆二十六年秋堤頭等村被水蠲免錢糧十分之
一共銀四百三十七兩三錢賑濟壹個月大口給
米七升五合銀九分小口減半共賑米二百零二
石六斗五升銀二百四十三兩壹錢八分

倉廩

古云倉廩實府庫充非第謂太倉之庾與太府之局也王畿之內鄉里郊關縣都野鄙無地不有委積遺人巡而比之以待時頒故百用皆便而緩急無虞今之常平義社亦猶行古之道也撫字有心必以此爲急務云

預備倉在縣治儀門東舊廩二十間雍正七八年添設二十六間共計四十六間貯穀壹萬八千壹百二十五石五斗九升八合

義倉五所東路程委一座三間貯穀九百四十石二
斗二升南路堤頭一座三間貯穀六百二十九石
二斗七升五合西路馮村一座三間貯穀六百八
十七石一斗八升城東一座三間貯穀六百二十
三石零五升北路杜村一座三間貯穀八百二十
二石二斗俱係乾隆十四年建

學校

立教始于明倫明倫本于建學古者家有塾黨
有庠州有序國有學所以興禮樂厲賢能厚人
倫美風俗也而釋奠先師于廟以嚴報祀以敷
文教自昔光昭于今爲盛

文廟在縣治東明洪武初知縣李泰創建永樂正統
間知縣喬俊黎亨重修宏治中邑人巡撫都御史
吳欒增修大成殿五楹兩廡各五楹戟門三楹櫺
星門泮池如式嘉靖中知縣王尚志建尊經閣天

啟中教諭李克振知縣巨道凝繼修

國朝康熙八年知縣郭堯都設帳幔置神龕訓導張
輪修理歲久傾圯乾隆三年邑人巡撫都御史尹
會一鼎新始復舊觀

正殿安設

至聖先師孔子神位正中南嚮

神脾高七尺二寸廣四尺厚壹寸二分座

高壹尺二寸廣四尺五寸硃地金書臺高

三尺五寸廣壹丈三尺神堂高壹丈二尺

四配

神脾高三尺六寸廣九寸厚壹寸座高七寸廣壹尺三寸赤地金書臺高三尺四寸

廣壹丈神

堂高九尺

復聖顏子

名回字子淵魯人漢高祖十二年以太牢祀孔子以顏子配唐貞觀三年詔稱

先師配享先聖元至順元年加贈復聖公明嘉靖九年改稱復聖顏子

述聖子思子

名伋字子思宋大觀二年配享元加贈述聖公明改稱述聖子思子

在殿內東室西嚮

宗聖曾子

名參字子輿魯人唐開元八年配享元加贈宗聖公明改稱宗聖曾子

亞聖孟子

名軻字子輿鄒人宋元豐七年配享元加贈亞聖公明改稱亞聖孟子

在殿內西室東嚮

十二哲

神牌高三尺四寸廣六寸厚壹寸座高四寸五分廣壹尺二寸赤地金書臺高

三尺四寸廣二丈三尺四寸廣七尺七寸

神堂高七尺七寸

先賢閔子

名損字子騫魯人唐開元八年從祀明嘉靖九年改稱先賢

按十哲從祀皆自唐開元八年七十子從祀皆自開元二十七年改稱先賢皆自明嘉靖九年故以下不重書其非此者則仍書之俱恪遵壇廟祀典云

先賢冉子

名雍字仲弓魯人

先賢端木子

名賜字子貢衛人

先賢仲子

名由字子路卞人

先賢卜子

名商字子夏衛人唐貞觀二十壹年從祀

先賢有子

名若字子有魯人哲之次

乾隆元年升配十

先賢冉子

名耕字伯牛魯人

先賢宰子

名予字子我魯人

先賢冉子

名求字子有仲弓之族

先賢言子

名偃字子游吳人

先賢顓孫子

名師字子張陳人宋咸淳三年升爲
十哲

先賢朱子

名熹字元晦婺源人宋孝光二宗時歷
知南康軍漳潭諸州寧宗時除煥章閣

待制諡曰文理宗時贈太師追封徽國公從祀
明崇禎十五年改稱先賢 康熙五十一年升

配十哲

之次

東廡

神牌高一尺九寸廣四寸五分厚五分座
高二寸二分廣七寸五分紫地青書臺高

三尺二寸統
長五丈一尺